

Kommunit aningaasaqarnertik nammineernerullutik akisussaaffeqarnerullutillu aqussinnaalernissaat pillugu Naalackersuisut UKA2025-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. (UKA24/129)
(Inatsisartunut ilaasorta, Aqqalu C Jerimiassen, Atassut)

Kommunit nutaamik agguataarlugit aaqqissuunneqarnissaat pillugu Naalackersuisut UKA2025-mut agguassassamik nalunaarusioqquneqarnissaannik Inatsisartut aalajangiiffigisassaattut siunnersuut. (UKA24/130)
(Inatsisartunut ilaasorta, Aqqalu C. Jerimiassen, Atassut)

Akissuteqaat

(Isumaginninnermut, Ilaqutariinnut, Suliffeqarnermut Nunamullu Namminermut Naalackersuisoq)

Siullermeerinnineq

Naalackersuisut qujassuteqarfigaat Inatsisartunut ilaasorta, Aqqalu C. Jerimiassen, Atassut, Inatsisartut aalajangiiffigisassaattut siunnersuutit marluk pillugit saqqummiussineranut.

Naalackersuisut siunnersuuteqartoq 2024-mi *Kommunit aaqqissuussaanagerat pillugu naliliineq*-miit inerneru eqqarsaatigalugit sammisat makku oqallisiginissaata attuumassuteqarneranik isumaqatigaat kiisalu kommunit maannakkut aaqqissuussaanagerat pillugu piffissami kingullermi oqallinneq aamma iluarisimaarinninnginnerit oqaatigineqartut. Taamaattumik kommunit aaqqissuussaanagerata ineriartorneranik aamma kommunit suliaassaannik sulinerup nanginnissaa pisariaqarpoq. 2024-mi upernaakkut ataatsimiinnermi Naalackersuisut ilaatigut *Kommunitoqqat uterfigeqqissagutsigit allaffissornikkut aningaasartuutit qanoq allanngussanersut pillugit Naalackersuisut nalunaarusiamik, UPA24/116*, suliaqarlutik aallartippaat. Nassuiaatip 2024 naatinnagu Inatsisartunut saqqummiunneqarnissaa pillugu suliarineqarpoq.

Naalackersuinikkut Ataqtigiissaarisooqatigiit kingullermik ataatsimiinneranni eqimattamit suleqatigiissitap atulersinneqartup – ilaatigut kommunit aaqqissuussaanagerat pillugu suliaqartoq – aaqqissuussaanagermik ataatsimiititaliamik pilersitsisoqarnissaannik inassuteqarpoq. Suleqatigiissip inassutigaa, aaqqissuussaanagermik ataatsimiititaliap pisortat aaqqissuussaanagerata aaqqissuusseqqinnermik siunnersuummik suliaqarnissaq suliaassarissagaa, aamma aaqqissuussaanagermik ataatsimiititaliap siunnersuutaani immikkoortut sisamat ilaatinneqartariaqartut:

- Pisortat aaqqissuussaanagerat nutaaq, nunap inoqarfiini qanimut oqartussaaqataanermik nukittorsaallunilu najukkami aalajangiisinnaassusermik annertusaassasoq kiisalu innuttaasunut iluaqutaasumik suliaannik pitsaanerusumik aaqqissuteqarnermut ikiuutaasusaaq, pillugu inassuteqaatit.
- Suliaassat sorliit naapertuunnerpaamik qitiusumit isumagineqassanersut, aamma sorliit najukkami aalajangiiffigineqartassanersut suliarineqarlutillu pillugit naliliineq.
- Pisortat ingerlatsiviisa akornanni suliaannik agguataarineq qanoq aaqqissuunneqassanersooq pillugu inassuteqaatit.
- Inassuteqaatit piffissaq ungasinnerusooq eqqarsaatigalugu aningaasaqarnermik piujuartitsissumik attanneqarsinnaasumik qulakkeerinnissapput.

Ataatsimiinnermi aaqqissuuseqqinnermut ataatsimiititaliarsuarmik nutaamik pilersitsinissaq pillugu aalajangiinissap ataatsimiinnissap tullianut kinguartinneqarnissaa aalajangerneqarpoq, aningaasaqarnermut nassuiaatip inerneru utaqeqqaarneqarnissaat kommunit arlalinnit kissaatigineqarmat. Tamanna tunngavigalugu Naalakkersuinikkut Ataqtigiissaarisogatiguit aalajangerput, aaqqissuusaanermik aaqqissuuseqqinneq nutaaq pillugu sulineruik piareersaaneq suleqtiguit aallarnissagaa, aningaasaqarnermut nassuiaatip piareernissaata tungaanut, tamatumalu kingorna Naalakkersuinikkut Ataqtigiissaarisogatiguit aaqqissuusaanermik ataatsimiititaliamik pilersitsisoqassanersoq pillugu naliliiniallutik.

Naalakkersuisut siunnersuutit saqqummiunneqartut pillugit paasinnilluarput, kommunit aningaasaqarneruik nammineernerullutik akisussaaffeqarnerullutillu aqissinnaalernissaat imaluunniit kommunit aaqqissuusaanerat allanngortinneqassanersoq pillugit isummernissaq sioqqullugu, peqatigalugu aaqqissuusaanermik aaqqissuuseqqinneq nutaaq pillugu suliaqarneruik kommunit qanimut suleqtigineqassasut pingaartillugu aamma aningaasaqarneruik nassuiaatip utaqeqqaarneqarnissaa pillugu kissaataat naalaarlugu.

Erseqqissartariaqarporli naggataatigut tassaammata Inatsisartut, kommunit agguarneqarnissaat, tamanna kissaatigineqarpat, qaqugulu pissanersoq pillugit aalajangiisussat.

Naalakkersuisut qulaani taaneqartut tunngavigalugit siunnersuutit itigartitsissutigineqassasut inassutigaa.